

Исмаилов Дилшод Анваржонович,
Тошкент давлат иқтисодиёт университети
«Корпоратив бошқарув» факультети декан ўринбосари
Иқтисодиёт фанлари бўйича фалсафа доктори, PhD.
e-mail: dilshod555555@gmail.com

ПАНДЕМИЯ ШАРОИТИДА ҚУЛАЙ ИНВЕСТИЦИОН МУҲИТНИ ТАЪМИНЛАШ ИСТИҚБОЛЛАРИ

PROSPECTS FOR PROVIDING A CONVENIENT INVESTMENT ENVIRONMENT IN PANDEMIC CONDITIONS

ПЕРСПЕКТИВЫ ОБЕСПЕЧЕНИЯ УДОБНОЙ ИНВЕСТИЦИОННОЙ СРЕДЫ В ПАНДЕМИЧЕСКИХ УСЛОВИЯХ

Аннотация. Ушбу мақолада пандемия шароитида жаҳонда инвестицион муҳит ва инвестиция активлари қай ҳолатда, инвестициянинг жозибadorлигини ошириш масалаларига эътибор қаратиш лозимлиги ёритилган. Шунингдек, мамлакатимизда инвестицион жозибadorликни оширишдаги мавжуд муаммолар ва уларни бартараф этиш учун таклиф берилган.

Таянч иборалар: пандемия, инвестиция активлари, инвестицион жозибadorлик, инвестицион муҳит, фаол инвестицион сиёсат.

Abstract. This article outlines the investment climate in the world and the state of investment assets in the pandemic condition, the need to focus on increasing the attractiveness of investment. It also highlights the existing problems in investment attractiveness of the country and recommendations to address them.

Keywords: pandemic, investment assets, investment privileges, investment climate, active investment policy.

Аннотация. В данной статье описывается инвестиционный климат в мире и состояние инвестиционных активов в условиях пандемии, необходимость сосредоточения внимания на повышении инвестиционной привлекательности. Также освещаются существующие проблемы инвестиционной привлекательности страны и рекомендации по их решению.

Ключевые слова: пандемия, инвестиционные активы, инвестиционная привлекательность, инвестиционный климат, активная инвестиционная политика.

Бугунги кунда инвестиция ҳар қандай мамлакатнинг иқтисодиётини ҳаракатга келтирувчи ва унинг тараққиётини таъминловчи муҳим капитал манбаи саналади. Чунки йўналтирилган сармоялар ишлаб чиқаришни рағбатлантириш асносида қўшимча иш ўринларини яратилиши, ишлаб чиқариш воситаларининг модернизацияси ва янгиланишида муҳим омил вазифасини ўтайди, мамлакат иқтисодиётининг жаҳон иқтисодиёти билан интеграциялашувини жадаллаштиради.

Мамлакатимиз раҳбарининг Олий Мажлисга йўллаган Мурожаатномасида «Жаҳон тажрибаси шуни кўрсатадики, қайси давлат фаол инвестиция сиёсатини юритган бўлса, ўз иқтисодиётининг барқарор ўсишига эришган. Шу сабабли ҳам инвестиция – бу иқтисодиёт драйвери, ўзбекча айтганда, иқтисодиётнинг юраги, десак, муболаға бўлмайди [1].


Дарҳақиқат, инвестиция билан бирга турли соҳа ва тармоқларга, ҳудудларга янги технологиялар, илғор тажрибалар, юксак малакали мутахассислар кириб келади, тадбиркорлик жадал ривожланади. Лекин, бугунги пандемия шароитида дунё мамлакатлари иқтисодиётига сезиларли равишда таъсир кўрсатиб келмоқда.

Пандемия вақтида инвестиция активларининг 540 млрд. долларга камайиши сўнгги беш йил ичида энг катта кўрсаткич бўлади. Хорижий инвестициялар турғунлиги навбатдаги икки йилда глобал иқтисодиётнинг асосий ғоясига айланади. Чет эл капиталини жалб қилишда мамлакатлар аллақачон салбий динамикага эга бўлишяпти [2].

UNCTAD таҳлилчиларининг фикрига кўра, 2020 ва 2021 йиллар якунлари бўйича жаҳонда тўғридан-тўғри инвестициялар ҳажми 40%га ёки 1,5 трлн. доллардан 1 трлн. долларгача камаяди. Мутахассислар март ойларидаёқ ўз ҳисоботларида бошқа рақамларни келтиришган – минус 5–15%. Энди эса пандемия ва карантин бу рақамларга сезиларли ўзгартиришлар киритди.

Таҳлилчилар жаҳон миқёсидаги инвестициялар оқимининг катта қисмини ташкил этувчи беш мингдан ортиқ транснационал компанияларнинг яқинда ўтказилган тадқиқотлари асосида келтирилди. Кейинги икки йил ичида ушбу корпорацияларнинг кутилаётган даромади 40%га пасайтирилган ҳолда қайта кўриб чиқилган. Аммо янги сармоялар учун айнан реинвестицион даромад асос бўлиб хизмат қилади.

Сармоялар ҳажмининг деярли ярмига қисқариши аслида тўғридан-тўғри инвестициялар миқдори 1 трлн. долларга тенг бўлган 15 йил аввалги кўрсаткичларга қайтишини аңлатади. Халқаро мутахассислар фақат икки йилдан сўнг бу борада ижобий динамикага



1-расм. Хорижий инвестициялар, 2015–2019 йиллар ва 2020–2022 йиллар прогнози (трлн. долл.) [3].

қайтиш мумкинлигини башорат қилишмоқда. Аммо улар ўсиш жуда секин бўлади деб ҳисоблашади.

Пандемия инвестициялар бозорига жиддий зарба берди. Кўплаб мамлакатларда карантин чора-тадбирлари мавжуд инвестицион лойиҳаларни амалга оширишни сезиларли даражада секинлаштирди. Чуқур иқтисодий инқироз эҳтимоли эса келажакда трансмиссив корпорацияларга янги режаларини қайта кўриб чиқишларига олиб келиши мумкин, – дейилади БМТ ҳисоботида.

Жаҳон статистикаси шуни кўрсатадики, 2020 йилнинг биринчи чорагида трансхудудий туташувлар миқдори (2019 йилги кўрсаткичларга нисбатан минус 53%) сезиларли даражада камайган. Ҳатто аксарият ривожланган мамлакатлар учун ҳам бу борадаги башоратлар қувонарли эмас: Европага инвестициялар оқими 30–45%га камайса, АҚШда бу кўрсаткич 35%га пасаяди.

Таҳлилчилар фикрига кўра, ҳақиқий ҳажмларга эътибор берсак, ўтиш даври иқтисодиётига эга мамлакатлар ривожланган давлатлар сингари жиддий зарар кўришади. Бунинг сабаблари – хом ашё секторининг заифлашуви, таъминот занжиридаги узилишлар, глобал иқтисодиётни диверсификация қилишдаги муаммолар.

Осиёнинг ривожланаётган мамлакатларидаги тўғридан-тўғри сармоялар ҳажми ўртача 38%га қисқаради. Табиий ресурсларга асосланган истиқболли лойиҳаларда бу кўрсаткич пасайиш томонга ўзгармоқда. Агар 2019 йилда ўтиш даври иқтисодиёти мавжуд бўлган мамлакатларга \$55 млрдга тенг сармоя жалб этилган бўлса, 2020–2021 йилларда тўғридан-тўғри инвестициялар миқдори \$30–40 млрдга қисқаради.

Демак, дунёда инвестиция активлари ва бунда мамлакатлар иқтисодиётидаги салбий ҳолатдан чиқиш бўйича жиддий масалаларни кўриб чиқишни талаб этмоқда.

Мамлакатимизда эса, инвестиция кўрсаткичлари 2019 йил якуний ҳолати пасайиш тенденциясига эга эмас. Марказлашган молиялаштириш манбалари ҳисобидан 50686,8 млрд. сўм (жами инвестициялар ҳажмининг 26,6 % ва ўтган йилдаги кўрсаткичга нисбатан 3,1 % пунктга кам) ёки 2018 йилга нисбатан 120,0 % асосий капиталга инвестициялар ўзлаштирилди, мос равишда, марказлашмаган молиялаштириш манбалари ҳисобидан 139237,5 млрд. сўм ёки 139,8 % (73,4 %) асосий капиталга инвестициялар ўзлаштирилди [4].

Давлат бюджети маблағларининг жами асосий капиталга ўзлаштирилган инвестициялар ҳажмидаги улуши 7,6 % ташкил этиб, 2018 йилга нисбатан 1,1 % пунктга камайди.

Давлат бюджети маблағлари Ўзбекистон Республикаси инфратузулмасини ривожлантириш, ижтимоий соҳани қўллаб-қувватлаш ва турмуш тарзини яхшилаш мақсадларидаги манзилли инвестиция дастурини бажаришга йўналтирилди.

2019 йил январь–декабрь ойларида иқтисодиётнинг нодавлат секторида 154309,8 млрд. сўм асосий капиталга инвестициялар ўзлаштирилди. Мазкур кўрсаткич жами инвестициялар ҳажмида Ўзбекистон Республикаси бўйича 81,2 % ни ташкил этди, шунингдек, Қашқадарё вилоятида – 95,4 % га етди, Сурхондарёда – 89,7 %, Фарғонада – 89,5 %, Наманганда – 88,5 %, Андижонда – 86,9 %, Сирдарёда – 85,0 %, Тошкент шаҳрида – 84,9 % ни ташкил этди.

Жаҳон тажрибаси шуни кўрсатадики, инвестиция капиталини шакллантириш тизими мулкчилик шакли ва молиялаштириш манбаларига мос ҳолда такомиллашиб бориши керак. Бундан ташқари инвестициялаш субъектлари ташкилий тузилмаларининг бозор иқтисодиёти талабларига мос равишда ўзгариши инвестициявий фаолиятни ривожлан-

тириш ва иқтисодийни диверсификациялашга кўмак беради[5]. Бундай жараёнлар Ўзбекистон иқтисодиётида қуйидаги омиллар таъсирида жадаллашмоқда:

- ▶ иқтисодийнинг устувор, айниқса реал тармоқларини инвестициялашда хусусий секторнинг иштироки ортиб бормоқда;
- ▶ давлат-хусусий ҳамкорлик лойиҳаларини амалга оширишга кенг имкониятлар яратилмоқда;
- ▶ хусусий тадбиркорлик ва кичик бизнес жамғармаларини самарали инвестициявий лойиҳаларга стратегик режалар орқали йўналтириш амалиёти йўлга қўйилмоқда.

Молиявий секторнинг инвестициявий манбаларни жалб этишнинг бозор механизмлари аста-секинлик билан ишга солинмоқда.

Давлат бюджети ҳисобидан инвестициявий фаолиятни молиялаштиришда устувор тармоқларни давлат томонидан қўллаб-қувватлашнинг қисқариши давлат инвестиция сиёсатининг эътибори хусусий тузилмалар: корхоналар, банклар ва аҳоли зиммасига кўчишини шарт қилиб қўйиши табиийдир. Бироқ, ҳозирча хусусий сектордаги инвестициявий фаолият субъектлари миқдори ва сони ортганига қарамай, уларнинг инвестициявий фаолиятдаги ўрни ва мавқеи давлатнинг иқтисодиётдаги роли ва ўрнини боса олмаяпти.

Мамлакатимизга сиёсий ва макроиқтисодий барқарорликни таъминлаш, хорижий инвесторлар ҳуқуқларини ҳимоя қилишни кафолатлаш ва кенг имтиёзлар тизимини яратиш мамлакатда юритилаётган оқилона инвестиция сиёсатининг устувор йўналишларидан бири бўлиб ҳисобланади.

Хулоса қилиб айтганда, инвестиция муҳитининг самарадорлигини таъминлаш иқтисодиётнинг устувор йўналишлари ва ҳозирги кун талабларига жавоб берадиган мукамал инвестиция дастурини ишлаб чиқишни ва шунингдек ҳукумат томонидан инвестиция жараёнларини такомиллаштириш мақсадида сиёсий, иқтисодий, ижтимоий ва албатта ҳуқуқий шарт-шароитларни янада яхшилашга катта эътибор беришлари кераклигини тақозо этади.

ФОЙДАЛАНИЛГАН АДАБИЁТЛАР

1. Ўзбекистон Республикаси Президенти Шавкат Мирзиёевнинг Олий Мажлисга Мурожаатномаси. – Тошкент: 28.12.2018 йил.
2. Бирлашган Миллатлар Ташкилотининг Савдо ва Тараққиёт бўйича конференцияси (UNCTAD) «Жаҳон инвестициялари-2020» ҳақидаги ҳисоботи маълумотлари. 2020 йил.
3. Бирлашган Миллатлар Ташкилотининг Савдо ва Тараққиёт бўйича конференцияси (UNCTAD) «Жаҳон инвестициялари-2020» ҳақидаги ҳисоботи маълумотлари. 2020 йил.
4. Ўзбекистон Республикаси давлат Статистика қўмитаси маълумотлари. – Тошкент: 2020 йил. stat.uz
5. Ismailov D.A. «Improvement of market mechanisms for investment financing in Uzbekistan». Voice of Research Volume 5, Issue 3 December 2016 ISSN 2277-7733.



Камилова Наргиза Абдукахоровна,
кандидат экономических наук, доцент
Самаркандского института экономики и сервиса
Республики Узбекистан
nargizaabdukahorovna@gmail.com

ГЛОБАЛИЗАЦИЯ МИРОВОЙ ЭКОНОМИКИ И ПЕРСПЕКТИВЫ ВНЕШНЕЙ ТРУДОВОЙ МИГРАЦИИ В УЗБЕКИСТАНЕ

GLOBALIZATION OF THE WORLD ECONOMY AND PROSPECTS OF FOREIGN LABOR MIGRATION IN UZBEKISTAN

JAHON IQTISODIYOTINI GLOBALLASHTIRISH VA O'ZBEKISTONDA CHET EL MEHNAT MIGRATSIYASI ISTIQBOLLARI

Аннотация. Международная трудовая миграция имеет экономические последствия как для страны-экспортёра, так и для страны-импортёра. Положительным явлением для страны-экспортёра считается будущая экономическая эффективность, полученная от трудовой эмиграции. Негативным моментом трудовой миграции считается отток высококвалифицированных специалистов из менее развитых стран, что усугубляет экономическое положение государства, замедляет его дальнейшее развитие. В итоге это приводит к дальнейшей поляризации стран, увеличивая разрыв между развитыми и развивающимися странами.

Ключевые слова: глобализация мировой экономики, международная трудовая миграция, дифференциация стран, демографический фактор, экономические и социальные последствия трудовой миграции, модернизация экономики.

Abstract. International labor migration has economic consequences for both the exporting country and the importing country. The future economic efficiency gained from labor emigration is considered a positive development for the exporting country. The negative aspect of labor migration is considered to be the outflow of highly qualified specialists from less developed countries, which aggravates the economic situation of the state and slows down its further development. As a result, this leads to further polarization of countries, increasing the gap between developed and developing countries.

Keywords: globalization of the world economy, international labor migration, differentiation of countries, demographic factor, economic and social consequences of labor migration, economic modernization.

Annotatsiya. Xalqaro mehnat migratsiyasi eksport qiluvchi va import qiluvchi mamlakatlar uchun ma'lum iqtisodiy oqibatlariga olib keladi. Mehnat emigratsiyasidan olinajak iqtisodiy samaradorlik eksport qiluvchi mamlakat uchun ijobiy voqea hisoblanadi. Mehnat migratsiyasining salbiy tomoni kam rivojlangan mamlakatlardan yuqori malakali mutaxassislarining chiqib ketilishida hisoblanadi, Bu esa davlatning iqtisodiy ahvolini og'irlashtiradi va uning keyingi rivojlanishini sekinlashtiradi. Natijada, bu holat dunyo